



Inatsisartuni ilaasortaq, Jens Napätôk', Partii Naleraq

## § 37 naapertorlugu apeqquteqaatinut akissut – timelærerit pillugit

5. juli 2018  
Suliap nr. 2018-13574  
Dok. nr.

Asasara Jens Napätôk'

Postboks 1029  
3900 Nuuk  
Oqarasuaat: +299 34 50 00  
Email: [ikin@nanoq.gl](mailto:ikin@nanoq.gl)  
[www.nanoq.gl](http://www.nanoq.gl)

Qujanaq apeqqutinnut, Inatsisartut suleriaasiat naapertorlugu saqqummiussannut. Taakkua uani ataani akissuteqarfigissavakka.

### *Apeqqut 1: Timelærerit ilinniarteqqinneqarnissaat eqqarsaatigalugu qanoq Naalakkersuisut tamatumunnga pilersaaruteqarpat?*

**Akissut:** timelærerinik pikkorissaanissat aaqquissuunneqannginnerini pisariaqartitsinerup annertussusia qulaajarneqaqqaassaaq, tamatumani assersuutigalugu timelærerit maanna piginnaanerit qanoq ittut pigineraat sumiiffinni assigiinngitsuni, kiisalu amerlassusaat aamma nukit atorneqartariaqartut, pikkorissaaqqinnissap najukkani ingerlanneqarsinnaaneranut, pikkorissaanernut piffissamik atuiffiusariaqartunut. Unamilligassaq tigussaasoq tassaavoq timelærerit piginnaasaannut, misilittagaannut aammalu pikkorissarnissamut qanoq piuumassuseqarnerannut tunngatillugu paasissutissaateqannginneq. Suliassaq ingerlaatsimik taamaattumik sunaassusilersuinermik imaqartoq qulaajaanerlu timelærerinut atatillugu ilaatigut apeqqutinik akisassanik skema atorlugu sammisami tassani aallartinneqareerpoq.

### *Apeqqut 2: Naalakkersuisut pilersaaruteqarnerlutik timelærerit nunatsinniittut tamaasa ilinniartinneqarnissaannik?*

**Akissut:** Siuliani qulaajaanerup aamma immersugassat atorlugit apersuinerup ersersissavaa suliniutit qanoq ittut siumut sammisumik iliuusissatut siunnersuutigineqarnissaat. Tamatumani aamma pikkorissartitsinerit ilinniartitaanerillu qanoq qaffasissuseqassanersut, maanna pikkorissarnissanut ilinniartitaanermut Aqutsisoqarfik aamma ilinniarfissuaq aqqutigalugit periarfissanut sanilliullugit. Ilinniartitaanermut Aqutsisoqarfiup susassaqartut naleqquttut suleqatiginiarpai, ilaatigut kommunit aamma ilinniarfissuaq, siumut sammisumik periarfissani pisariaqartitsineq ersersinneqartoq naapertorlugu.

**Apeqquut 3: Timelærerit kalaallisuinnaq oqaaseqartuusut qanoq Naalakkersuisuniit periarfissinneqarniarpat?**

**Akissut:** Qulaani pineqartoq qulaajaanissaq aamma immersugassat atorlugit apersuilluni misissuinissat ersersissavaat oqaatitsigut piginnaasat qanoq ittut timelærerit ataasiakkaat pigineraat, tassanngaaniillu qanoq siunnersuuteqartoqartariaqarnerisq.

**Apeqquut 4: Timelærerit ilinniarteqqinneqarnissaannut atuakkat atorneqartussat kalaallisut nutserneqarnissaat eqqarsaatigalugu qanoq Naalakkersuisut tamatumunnga aningaasaliiniarpat?**

**Akissut:** Siulianiittoq qulaajaanissaq aamma immersugassat atorlugit apeqqutinik akissuteqarfeqartarneq ersersitissappat pisariaqartitsinerik naammattumik nutserisitsinissaq siunnersuutigineqarsinnaavoq.

**Apeqquut 5: Naalakkersuisut takorloorpaat timelærerinik ilinniartitseqqilerunik AD-mik, masterimik, candidatimullu ilinniaqqissimasunik atorfilinnik ilinniartinneqarnissaat? Atortussaasat naammappat?**

**Akissut:** Anguniarneqassaaq suliame uani sapinngisamik ilinniartitsisussat pikkorinnerpaat sulisinneqarnissaat, qulaajaanermilu atortussanik pisariaqartitsineq paasineqarumaarpoq.

**Apeqquut 6: Naalakkersuisut timelærerit ilinniarteqqinneqarnissaat eqqarsaatigalugu aningaasaqarnermi inatsimmi qanoq annertutigisumik aningaasaliiniarpat?**

**Akissut:** Siuliani pineqartoq qulaajaanissaq aamma skemat immersugassat atorlugit apeqqutinik akissuteqarfiginnittarnissap qulaajassavaa suliassap annertussusissaa, taannalu tunngavigalugu aningaasat atorneqartussatut pisariaqarsinnaasut siunnersuutigineqarsinnaapput, maanna aningaasaliissutaareersut pikkorissartitsisarnernut aamma ilinniartitsinernut suliassaqarfimmi tassani naammassanngippata.

Inussiarnersumik inuulluaqqusilluta

  
Vivian Motzfeldt